



**Vademecum Sive Praxis Opera Quotidiana Aliaque ritè
peragendi, & per ea salutem & perfectionem propriam, ac
proximi, instituto Societatis Jesu conformem assequendi**

De operibus solidæque devotionis exercitiis, quæ vel quotidie non
peraguntur, ves fusiore indigent explicatione, quomodo cum majori fructu
peragi possint

Limpens, Ferdinand

Coloniæ Agrippinæ, 1744

Ruminanda dum dicitur profiscere anima Christiana, &c. datur cereus
ardens, & Crucifixus in manibus.

Nutzungsbedingungen

[urn:nbn:de:hbz:466:1-54780](#)

Ruminanda dum dicitur proficisci anima Christiana, &c. datur cereus ardens, & Crucifixus in manibus.

Dum sanus es, & starutis per annum temporibus, atque post exercitia octiduana unum tibi diem seligis, quem totum in præparatione ad bonam mortem impendis. Ut C.p. h[ab]it[u]m 7timo §. 2. docui. Lege tunc quoque, & devotè ora, quæ in fine Breviarii post Psalmos Pœnitentiales & Litanias majores de ordine commendationis animæ. Et sunt primò Litanie breviores. 2dò. Proficisci anima Christiana cum sequentibus orationibus, dum adhuc agonizat moriens. 3rdò. Orationes, quæ egressâ jam animâ dicuntur à Sacerdote aliisque adstantibus. His omnibus precibus mira vis & energia inest. Ad hæc, ut sapientius dixi, cùm communes sint orationes Ecclesie Sponsæ Christi, in iis magna est collocanda fiducia. Et quo tibi tempore vitæ familiariores fuerunt, eò maius quoque solatium ex iis agonizans habebis, & in affectus materie substratæ congruos facilius prorumpes. Singulariter autem, quia sunt communes toti Ecclesie preces, tunc reminisci oportet articuli in Symbolo Apostolico *de Communione Sanctorum*. Quia per devotam harum precum ruminatem vel maximè agonizans tibi applicare poteris merita Sanctorum, B.V. Passionis ac Mortis D.N.J.C. ex infinito Ecclesie thesauro.

Dum datur Cereus in manus, dic : hoc signum est, quod vadam in terram tenebrosam & operitam mortis caligine ; ubi in transitu lumine Christi sanè opus est. Sumo hunc Cereum in manus, ut protestem me mori velle in fide Romano-Catholica. Sumo hunc Cereum in manus, ut ad extremum eò adhuc semel perlungam omnes latebras conscientiarum mearum. An refuter peccatum nondum expiatum etiam levissimum, an obligatio aliqua Deo aut proximo adhuc explenda. Et elicio contritionem & propositum omnes obligationes meas implendi. Sumo denique Cereum hunc ardenter in manus, ut instar Virginum prudentium paratus cum instructa lampade ardente oleo bonorum operum & maximè caritatis Sponso meo cælesti obviem. Vos Angeli intonate *Lumen Christi Eccl.* dum ad templum gloriae æternæ propero. Vos interim Fratres mei in Christo dilectissimi ignoscite defectibus & malo exemplo meo, & orate pro me.

Dum datur Crucifixus in manus, ardentissimo illum affectu stringe, & drecto, si fieri potest, capite erectoque non nihil corpore osculans Crucifixi pedes cum viva fide ad Redemptorem tuum dic : Domine JESU per vulnus pedis dexteri tui peto à te, ut ducas me illis momentis, quibus adhuc vivam, via Crucis. Auge dolores, auge & patientiam. Per vulnus pedis sinistri rogo te, dirige in conspectu tuo viam salutis meæ.

Osculans vulnus manus dextræ ter dic : Domine JESU, per vulnus tua dextra peto à te. Colloca

Loca me ad dextram in instante iudicio particulari,
Et postmodum universalis.

Osculans vulnus manū sinistre dic: Peto à
te, benedic omnibus, propitius sis omnibus, qui
sinistre de me locuti sunt, egerunt, cogitaverunt, vel
id adhuc faciunt.

Osculans vulnus lateris dextri dic: Domine
IESU, per vulneratum cor tuum amore mei peto
misericordiam pro animabus in purgatorio maximè
iis, pro quibus me maximè orare vis, pro obstina-
tis peccatoribus, pro pueris, qui in periculo sunt,
me ad baptismum pervenire. Pro omnibus me-
cum morientibus, Et in iudicio tuo particulari una
mecum comparitibus, pro omnibus in Christo Et
sanguine mihi conjunctis, denique iis, pro quibus
quocunque demum titulo præterea orare debeo. Re-
go insuper, ut Societas IESU Mater mea in suo
primo semper flore maneat ad majorem tuam glo-
riam Et animalium salutem, cultus erga Deum
Trinum, Deum incarnatum, Deum Eucharisti-
cum, Et mysterium immaculatae Conceptionis Dei
pare Virginis magis magisque semper propagetur,
Et ultima mea respiratio sit erga cor tuum O IESU.

Demum Crucifixo mihi & adstantibus imper-
tior benedictionem, ventiloque Crucem ut mi-
litare labarum & signum, in quo ultimò diabo-
lum vincam. Et dico spe plenus: In baculo isto
transibo Jordanem istum, In manus tuas Domine
commendo spiritum meum. Vivo & morior in
corde IESU. Vos Sancti, quorum memoriam
hodie colit Ecclesia, subvenite. Sed hem An-
gele mi Custos, instat iudicium non quidem

Pars tertia

390

universale illud sed particulare meum. In quo tamen sententia feretur, quæ per totam æternitatem non erit revocabilis. Diabolus in eo aderit ut accusator. Archangelus Michael ut operum meorum omnium ponderator, Dominus meus JESUS Christus Redemptor meus ut Iudex, tu spero ut Patronus animæ meæ. Non indigebit illa, ut ad comparendum in judicio trajiciat Matia, in terras longinquas abeat, aut in aeras se transferat regiones. Ubi homo moritur, ibi immensus ille Deus est. Adeoque quamprimum anima è corpore egressa est, à Majestate divina insessa, possessa, circumsessa, circumcincta, involuta est, non secus ac fluentans navicula in medio immenso, intransnatabili oceano. Tenebit illam manus Dei viventis, ex qua nullum est effugium. Ad corpus exanguine sive in lecto mortuali sive in tumba jacens Amici, Collegæ, Confratres fundent preces, quæ juvare non poterunt. Si jam pronunciata sententia est. *I Maledicte in ignem æternum.* Proderunt tamen. Si dicatur: *Veni Benedicte in regnum celorum,* postquam ablutum in me fuerit, quod adhuc est coquinatum. Finitum autem jam tum erit judicium. Antequam ab infirmario claudantur oculi, & os comprimatur, multò magis antequam in tumbam inferatur fœtidum corpus, & ad eam officium Defunctorum, cæteræque consuetæ Ecclesiæ preces persolvantur. Saluta ergo bone Angele ex me misero gloriosos tuos cœli concives, Angelos inquam Custodes omnium eorum,

qui

qui pro me oraturi sunt, aut sacrosanctum Mis-
se Sacrificium oblaturi. Rogo eos, ut clientes
suos excitent ad justa animæ meæ cum magno
fervore persolvenda. Sed ecce ibi adstat crue-
ta bestia. Vnde mihi, si funesti aliquid in me re-
petiat. Judex imminet, cui non potero re-
spondere unum pro mille. Superi boni, tot pec-
cata juventutis, ignorantiae, propria, aliena,
commissionis, omissionis cogitatione, verbo &
opere commisi, & ipsa opera bona tot scatent
defectibus. Jam omnia ab usu rationis usque
ad hoc momentum à me cogitata, facta, facta se-
cundūm minutissimas circumstantias prope-
diem tam clare intuebor. Sicut vivens ego ne-
quidem omni possibili adhibitâ diligentia vel
unius diei cogitata, facta, dicta potuisse recol-
li, ere. Quid fiet animæ meæ? tot gratias, in-
spirationes bonas habui, tot lumina & claras de-
æternis veritatibus cognitiones, tot horæ, dies,
mensæ, anni, mihi à bono Deo data
sunt, ut non in speculatione sisterem, sed re
ipsâ in Praxi benè his omnibus uterer. Jam
sapientius & toties in exercitiis maximè annuis mi-
hi proposui, ut ad declinandum sine misericor-
dia judicium me ipsum dijudicarem, severas
rationes exigetem; cur hæc illa Passio cætero-
rum maximè defectuum ac peccatorum origo
nondum suppressa sit, cur huic illi sensualitati
contra tot facta proposita adhuc indulgerem,
cur non tandem securim ad radicem ponerem,
eοr penitus ab omni inordinato creaturarum
affectione vacuum Deo offerem, uno verbo hoc

facerem, quod moriens factum fuisse vellem,
& expiatis sincerâ pœnitentiâ delictis omnibus
toto corde amarem Deum, & in Deo & propter
Deum unicè cætera. Jam clarè video dudum
id à me fieri, & statum, in quo modò sum, sem-
per mihi vivaciter ante oculos de buisse ponere.
Si id tandem practicavi eo quo par est modo,
benè est. Si adhuc in multis defui, ô mi fide-
lis Angele Custos juva, ut intensissimo contriti-
onis actu resarciam quod possum. Interim quæ
est tessera militaris inter nos duos: ut animam
meam in transitu instantे agnoscas & ipsa te.
Nunquid ultimo pronuntiata ore vel corde con-
trito hæc salutifera nomina JESUS, Maria, Jo-
seph, JESUS: ergo pæcede abeuntem, sicut
excepisti introcuntem in hoc corpus animam.
Post modicum videbimus nos. Jam rogo ad-
stantes Sacerdotes vel alios, ut mihi morienti
in clamore sacra nomina. Credo, spero, amo.
Doleo ex toto corde de peccatis meis ob Deum in-
finitum in se bonum offersum. Fiat voluntas tua
O Deus, in quam quoad omnia me perfectissime
resigno. In manus tuas Domine commendō spu-
ritum meum. Domine JESU suscipe spiritum
meum. Maria Mater gratia, Mater misericor-
dia, tume ab hoste protege, & horâ mortis sus-
cipe. Subvenite Angeli Dei, occurrite Angeli
Domini suscipientes & offerentes animam meam
in conspectu Altissimi. Suscipiat te Christus, qui
vocavit te, Ecce. Hæc suspiria & orationes ex
Agenda Romana sequentes commendō te omni-
potenti Deo, Ecce. Suscipe Domine, Ecce. commen-

damus tibi Domine, Sc. Item orationem de singulis articulis Passionis ac Mortis Christi peto mihi lente ac intelligibiliter, quām diu compositionis esse judicor, prælegi. Quia, ut sæpè in hoc *Vade mecum* inculcavi, multūm confido in precibus communib[us] Ecclesiæ, & per has in instanti mortis ultimò devotè persolutas vel auditas manifestum iterum omnibus volo facere, quod in Romano-Catholica Ecclesiæ moriar. Pro solatio meo subin intermiserit poterit gratulationis affectus, quod Virgo Deipara tantum in primo Conceptionis momento immaculata fuerit, item tenerum erga s. sacra vulnera maximè cor JESU suspirium, repetitio septem verborum Christi in Cruce. Demum finis mei ultimi inculcatio, quod ideo creatus, redemptus sim, & tot à Deo præ innumeris aliis gratias in hoc illo statu acceperim, ut in æternūm Deum Triunum viderem & amarem.

Ad Lectorem.

HAbes h[ic] varia, ut & tibi pro te & pro variis, quibus in extrema lucta fors assistes, servire possint. Aliqui erunt docti, alii indocti, & minùs ad illa percipienda capaces. Aliqui moriuntur sine magnis, prout exterius saltet apparet, angustiis. Alii & quidem sæpe devotiores ac doctiores multis tentationibus circa fidem, peccata præterita, metu quasi in pusillanimitatem vergente, obruuntur. Aliqui